

جَزَائِرِ مَحَاكِمَتِ

جمعه ایرتسی

نومرو	رمضان	سنه	شباط	سنه	صفحه
۸۶۲	۸	۱۳۱۳	۱۰	۱۳۱۱	۱۲۱۰۹

(اشبو غزته بهر هفته جمعه ایرتسی کونلری چیقار . سنه لکی درسعادت ایچون مجیدیه یکر می فروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می غروش اولوق اوزره یوزپاره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولوق استیانلر عدلیه نظارتی)
 (دأره سنده کائن خبریده محاکم اداره سنه مراجعت ایللیدر)

قسم غیر رسمی

لایحه سی دخی کوندر مدکرندن یالکز وکیل
 مومی الیهک ایضاحات شفاهییه سیله باش مدعی
 عمومی معاونلرندن سعادتلو یورغا کی افندینک
 مطالعه سی استماع قلندقدن صکره تدقیقات تمیزییه
 اجراسنه ابتدار قلندی .

اعلام مذکورک خلاصه مالی بیغا
 قضاسی زراعت بانکه سی وکیلی مذکور بانکه نک
 مزبور حسن کفالتیه برادری مرقوم علی
 ذمتنده غیراز استیفا باسند الاجنی اولان معلوم
 المقدار مبلغک تحصیلنی طلب ودعوی وسند

بیغا بدایت محکمه سندن ۱۹ . حزیران
 سنه ۳۰۶ تاریخنی واللی بدی عددی ایله صادر
 اولان اعلامک تمیزیی استمدعا ایدن زراعت
 بانکه سی وکیلی اوخانس افندی یوم معینده دائره یه
 کلوب مدعی علیهما بیغا قضاسنه تابع دیمتوقه
 ناحیه سننده مقیمان ایوب اغا اوغلی علی وکفیلی
 برادری حسن ورود ایتدکاری کبی جواب

مذکوری ابراز واعطا ایتسمنه قارشو مدعی
 علیهما حسن وعلی دخی سند مذکوری و حاوی
 اولدینی مبلغ دینلری ایدوکنی بالاقرار یالکز
 ایام ماره گذشته سی لازم کلیه جکئی در میان
 ایتلرینه منی جریان ایدن محاکمه و تدقیقات
 نتیجه سنده مبلغ مدعا بهدن غیر از تسلیم متباقی
 بشیوز کسور غرو شک مع فائض مدعی علیهمادن
 تحصیلنه حکمدن و مستدعی وکیلنک اشبو حکم
 علیهنده لایحه سنده محرو اعتراضاتک خلاصه سی
 دعوی واقعه عامه به متعلق موادن اولمسيله
 انشای محاکمه مدعی عمومی بولندیرلق لازم
 کلور ایکن محکمه به بوجهتدن ذهول اولدینی
 کبی منافع صندوقلری نظامنامه سی موجبجه
 ایام ماره ایچون گذشته حکم اولنق لازم کلور
 ایکن بوبابده بدایه در میان اولنان ادعایه دخی
 حواله سمع اعتبار ایدلما سی یولسز وقانونه مغایر
 اولدینندن بختله اعلامک تقضی استدعاسندن
 و معاون مومی الیهک مطالعه سی دخی منازع فیه
 اولان سندده ایام ماره فائضی یوریدیله جکینه
 دائر صراحت یوق ایسهده سند مذکور اساساً
 فائضی اولدینی متننده مندرج اولسنه وزراعت
 باقیه لرینک فائض استیفاسيله سرمایه لرینک تزییدی
 و بوجهله معاملات واقعه لرینک تسهیلی حاصل

اوله جنی درکار بولندیننه منی اعتراضات
 واقعه نک موافق قانون اولدینی بیاندن عبارت
 بولمشدر .

ایجابی مذاکره اولندقدن مندرجات
 اعلامدن مستبان اولدینی اوزره دعوی واقعه
 منافع عامه به متعلق اولدینی جهتله تشکیلات محاکم
 قانوننک التمش بشنچی ماده سی موجبجه انشای
 محاکمه مدعی عمومی بولندیر یلر ق مطالعه سنک
 استماعی مقتضی ایکن محکمه به بوجهتدن ذهول
 ایله حکم ایدلسی یولسز و مغایر قانون اولدیننه
 و مستدعی وکیلنک بوجهته متدائر اولان اعتراضی
 شایان قبول اولوب معاون مومی الیهک
 مطالعه سی موافق نفس الامر کوریله مدیکینه
 بناء اصول محاکمه حقوقیه قانوننک ایکیوز
 اوتوز ایکنجه ماده سی موجبجه اعلام مذکورک
 تقضیه قانون مذکورک ایکیوز قرق دردنجی
 ماده سی حکمنه توفیقاً کیفیتک اصول و قانون
 دائره سنده یکیدن بالرؤیه اعلامه ربطی ضمننده
 محکمه مذکوره به اعاده سنه وزیرده مفرداتی
 مرقم درتیوز الی ایکی یچق غروش مصارف
 محاکمه نک ایلروده حقسز چقه حق طرفه رجوع
 ایتک اوزره اول امرده مستدعی زراعت باقیه

سندن ایتسمنه ۶ تموز سنه ۳۰۸ تاریخده اکثریتله
 قرار ویریلرک تفهیم قلندی .

محکمه استیناف حقوق قسمندن ۱۳ ایلول
 سنه ۳۱۱ تاریخی و یوز یکریمی بدی عددی ایله
 صادر اولان اعلامک تمیزینی استدعا ایدن
 ایاصوفیه کیر جاده سنده سکز نومرولی خانه ده
 مقیم محکمه تجارت اجرا دائره سی تحصیلداری
 حسین حسنی افندی ایله مدعی علیه قبا صقالده
 اوتوز طقوز نومرولی خانه ده مقیم مصر چارشولی
 احمد حمدی افندی یوم معینده دائره به کش
 اولدقلرندن ایضاحات شفاهیله لری استماع قلندقدن
 صکره تدقیقات تمیزیه اجرا سنه ابتدار اولندی .

اعلام مذکورک خلاصه مآلی مومی الیه
 حسین حسنی افندی مزبور احمد حمدی افندینک
 اوچ سنه ظرفنده ایضا اولنق اوزره کندوسندن
 برقطعه بخت شرعیه موجبجه استدانه ایلدیکی
 درتیوز عدد عثمانلی لیراسنک تأمین استیفاسی
 ضمننده متصرف اولدینی قومقپوده واقع ایکی

باب قایقخانه واون باب اوطه وایکی باب کار کیر
 خانه لرینی طرفنه اجرای تقریره حسین منی
 افندی بی وکیل تعیین ایتدیکی حالده مبلغ مزبوره
 محسوباً یالکز ایکیوز اوتوز لیرا دفع و تسلیم
 ایدرک متباقی یوز یتیش لیرا نک ایفاسندن امتناع
 ایتکده اولدینندن بختله مبلغ متباقی مذکورک
 تحصیلنه واوله مدینی صورنده معامله فراغیه نک
 اجرا سنه مومی الیهما احمد حمدی و منی افندیلرک
 مجبور طوتلملرینی درسعادت ایکنجه حقوق
 محکمه سنده طلب و دعوی و برقطعه بخت شرعیه
 ابراز واعطا ایتسمنه قارشو مدعی علیهمادن
 مومی الیه حمدی افندی دخی کندوسنک
 مدفوعاتی ایکیوز التمش سکز یچق لیرا اولدینندن
 یالکز یوز اوتوز برلیرا بورجی قالدینقی و مؤخرأ
 مدعی به کفالتندن طولانی شخص آخره ایفاسنه
 مجبور اولدینی سکسان لیرانک دخی تقزلی حالده
 یالکز الی بر یچق لیرا دینی بولندینی مدافعه
 در میان ایتسمنه قارشو اخیراً مدعی علیهمادن
 منی افندینک غیابنده سبق ایدن محاکمه اساس
 دینک اوچ سنه ظرفنده تسویه سی مشروط
 اولوب الیوم مدت معینه نک مرور ایتدیکی
 بالتدقیق کلا شلمسنه و بو مقوله مؤجل اولان
 دینک قبل حلول الاجل تسلیات وقوعیه کسب

بالحا که لازم کلان حکمك اعطاسی مقتضی ایکن
بعد الفسخ کیفیتك یکیدن محاکمه سی کورمك
اوزره درجه اولی محکمه سنه اعاده قلمسی و برده
ترهین ایدیلان املاکك مبلغ مستقرض فیهك
تأدیه سنه دکن توقیفی احکام مجله اقتضاسندن
اولسنه کوره امر فراغك اجراسنه وکیلک
مجبوریتی طیبی^۱ بولندینی حالده عند الاستیناف
قرض معامله سنده حلول اجله انتظاره قانوناً محل
اوله میه جنی بیانیله فسخی طرفه کیدلسی یولسز
اولدیغندن بوجهتك تقضی فقط بو مثللو^۲ املاک
موقوفه نك وفاء فراغ و ترهینی بای حال اذن
متولی به متوقف بولندینی جهته یالکز باجحت
شرعیه وکالت دوریه سنه بناء وکیلک اجرای
وکالته مجبور طوتیه میه جنی بیانیله بوجهته
متفرع حکمك دخی تصدیقی طلبندن عبارت
بولمشدر.

ایجابی لدی المذاکره تمیزی طلب اولنان
اعلام مذکور مندرجاتندن اکلانشدینی اوزره
املاک مرهونه نك حین ادانه واستدانه ده مومی
الیه حسنی افندیك الاجفته مقابل فراغ ایدلسی
تعهد اولندیفته نظراً اولوجهله اجرای فراغه
مدیون حمدی واشبو معامله فراغه نك اجراسنه

تعجیل ایده میه جکنه و مکفول بهك ایفاسندن
مقدم کفیلک اصله مراجعتله مدعا بیدن تنزیلی
طلبه حتی اوله میه جفته و اوتوز سکز یجق ایرا
فضله تسلیات مدافعه سی دخی مدعینک تحلیفیه
ثابت اوله مامسنه مبنی طرفینک بوجهتله متفرع
ادعایینک ردیه جفته محرر املاک مذکور نك
وفاء اجرای فراغه مدعی علیهمانک مجبور
طوتلمرینه دائر محکمه مذکور دن صادر
اولان اعلامك مدعی علیهمادن حمدی افندی
طرفندن وقوعبولان مراجعت اوزرینه استینافاً
جریان ایدن محاکمات و تدقیقاته املاک موقوفه
نك ادانه واستدانه تاریخندن صکره رهنیتی غیر
جائز بولندینی حالده املاک مذکور نك وفاء
فراغه مدعی علیهمانک مجبور طوتلمسنک قانونه
مغایرتندن طولای فسخیه بو مثللو قرض معامله
سند حلول اجله ترقب و انتظاره قانوناً محل
اولدیغندن مستأنف علیه طرفندن اله جتی طلبده
اصرار وقوعنده بوجهت بالحا که تحت حکمه
النق اوزره کیفیتك درجه اولی محکمه سنه
اعاده سنه حکمدن و مستدعی حسنی افندیك اشبو
حکم علیهنده کی اعتراضاتك باشلوجه سی ررجه
اولی محکمه سندن لاحق اولان اعلامك عند
الاستیناف فسخندن صکره ذات ماده حقنده

تاریخنده متفقاً قرار ویریه رک تفهیم
قلندی.

اقره بدایت محکمه سندن ۱۶ مارت
سنه ۳۰۹ تاریخی ویتش سکز عددی ایله ویریلان
اعلامك تمیزی اقره ولایت خزینه وکیلی
استدعا ابتدیی حالده تعیین اولنان کونده خزینه
جلیله دن بر وکیل کوندردلیدیکندن مدعی علیه
اقره ده مقیم روقوس اغا وکیلی کیغورق آوقیان
افندی کلرک ایضاحات شفاهیه سیله باش مدعی
عمومی معاونلرندن سعادتلو یورغا کی افندیك
مطالعہ سی استماع قلندقدن صکره تدقیقات تمیزیه
اجراسنه ابتدار اولندی.

اعلام مذکورک خلاصه مالی جبهه جی
اوغلی کر کور نام کسنه نك اوچیوز یدی سنه
سنه محسوباً مرقوم روقوس کفالتیه بالا قضاسنک
یایلالی اوزی وحاجی بکر و قلنجلی واق ویران
وقره طلاق و انبارلی و باغچه قره طلاق قریه لری
حبوبات اعشارینی یکر می یدی بیک قرق اوج

وکیل اولان یعنی افندیلرک مجبوریتلری درکار
اولدینی حالده املاک موقوفه نك ادانه واستدانه
معامله سندن صکره ترهینی غیر جائز ایدوکنندن
بجمله قرار ابتدائینک فسخ ایدلسی یولسز اولدینی
کی قرض معامله سنده حلول اجله قانوناً محل
اولدیغندن بجمله بوجهت حقنده طرفینک یکیدن
اجرای محاکمه لری ضمننده کیفیتك درجه اولی
محکمه سنه اعاده سنه متدائر بولنان قرار دخی
مواد قانونیه به مقارن اولیه رقی یولسز و مغایر
اصول وقانون بولنش و مستدعی حسنی افندیك
باشلوجه و مدعی علیه حمدی افندیك بالقباله
درمیان ابتدکاری اعتراضات بوجهته متدائر
اوله رقی شایان قبول کورنش اولدیغندن اصول
محاکمه حقوقیه قانوننک ایکیوز اوتوز ایکیجی
ماده سی موجبجه اعلام مذکورک تقضیه
ایکیوز قرق دردنجی ماده سی حکمه توفیقاً کیفیتك
صور مشروحه دائره سنده اعلامه ربط اولنق
اوزره قسم مذکور اعاده سنه وزیرده مفرداتی
مرقم درتیوز اون طقوز یجق غروش مصارف
تمیزیه نك ایلروده حقسز جیهه جق طرفه رجوع
ایتمک اوزره اول امرده مستدعی حسنی افندیك
اخذ واستیفاسنه ۲۴ تشرین اول سنه ۳۱۱

بجق غروش بدل مقابلنده در عهده والتزام
ایتمش ایسه ده بدل مذکور هنوز تسلیم صندوق
اولدیغندن مبلغ مزبورک حسب الکفاله مرقوم
رقوسدن مع مصارف اجرای موقوفه برابر تحصیل
حقننده حکومت محلیه وکیل ار تین افندینک
استحصال ایلدیک ایلام غیابی علیهنده کفیل
مرقوم طرفندن اعطا قلنان اعتراض علی الحکم
عرضحالی اوزرینه وجاهاً جریان ایدن محاکمه ده
معترض کفیل مرقوم اعشار مذکور نک امر
جیاتی بارده سنیه حضرت پادشاهی دیون عمومیه
اداره سنه محول اولدیغندن مبلغ مدعا به محسوباً
انقره مال صندوقه تسلیم ایلدیک بیک در تیوز
یکرمی ایکی غروشک دیون عمومیه نظارتنه
تودیع اولدینی کی اوست طرفنک دخی مجلس
اداره دن ویریلان مضبطه موجبجه کذلک نظارت
مذکوره به تسلیم اولدینی وشو حالده حکومت
محلیه نک کندوسنه حضم اوله میه جفندن وکیل
مومی الچک ایسه نظارت مذکوره دن برکونه
وکالتی حائر اولدیغندن اجرای وکالت ایدهمیه
جکفی مدافعه در میان ایلمی اوزرینه اولبابده
دیون عمومیه اداره سندن استفسار کیفیت اولند
قدنصکره جریان ایدن تدقیقات نتیجه سنده
قرای مذکوره نک اوچوز یدی سنه می بدل

اعشاریه غیراز اعانه یکرمی یدی بیک قرق اوج
غروش قرق ساتیمه مرقوم رو قوس اگا کفاله
لثله احاله اولدینی اولبابده حکومت محلیه
جانبندن اداره مذکوره به حواله اولنان دفترده
کوسترملش وبر موجب دفتر مبلغ مدعا به
محسوباً ولایت مال صندوقه تسلیم اولنان بیک
در تیوز یکرمی ایکی غروشک ۳۰ کانون اول
سنه ۳۰۷ تاریخنده دیون عمومیه اداره سندن
استرداد اولدینی کی کفیل مرقوم طرفندن
کوندریلان ایکی قطعه پولیجه بدلی اولان یکرمی
بیک غروشک دخی در سعادته قصابیان افندی
معرفتله ۶ اغستوس سنه ۳۰۷ تاریخنده دیون
عمومیه اداره سنه تسلیم ایلدیک لیدی التدقیق
اکلا شلمش وذاتاً ولایت مذکوره جیوبات
اعشارینک درت بش سنه دنبرو باراده سنیه
دیون عمومیه اداره سنه حواله اولنمش اولسنه مبنی
مجله نک النیوز سکسانجی والتیوز طقسانجی
واصول محاکمه حقوقیه قانوننک یوز الی
سکزنجی ماده لری احکامنه توفیقاً حکم غیابینک
فستخیه خزیننه وکیلنک معارضه دن منعه و معترض
رو قوس اغایه عائد اولق اوزره مصارف محاکمه
غیابیه اولان ایکی بیک التیوز یتش غروشله
مصارف وجاهیه اولوب مرقوم رو قوس اغادن

استیفا اولنان یوز الی غروشک وکیل ار تین
افندین تحصیلنه حکمدن واشبو حکم علیهنده
محلی خزیننه وکیلنک لایحه سنده محرر باشلوجه
اعتراضی درجه اولی محکمه سنجه دعوی واقعه
حقننده اول و آخر وقوعبولان اعلامات خر جیله
مصارف سائر نک طوغریدن طوغری به خزیننه
وکیلندن تحصیلنه حکم اولنمی یولسز و مغایر
قانون اولدیغندن بختله اعلامنک نقضی استدعاسندن
ومدعی علیه وکیلنک نتیجه جوابی حکم واقع
موافق اصول وقانون اولوب اعتراض مذکور
واهی و بی اساس ایدوکی بیانیه ردی واعلامنک
تصدیق طلبندن ومعاون مومی الیهک مطالعه سی
دخی درجه اولی محکمه سنده اجرا قلنان تحقیقاته
نظراً مبلغ مدعا بهک دیون عمومیه نظارتنه
تسویه ایدلمش اولدینی تین ایتش اولسنه مبنی
اعتراضات واقعه نک موافق قانون کوریه مدیکی
بیانندن عبارت بولنمشدر .

ایجابی لیدی المذاکره اعلام مذکور
مأئدن اکلا شلدینی اوزره دعوی واقعه حقننده
درجه اولی محکمه سنجه حکم غیابی مصارف اولان
از غیر اجرت وکالت قیدیه واحضاریه واعلام
وصورت وتبلیغ خر جلی کی قانوناً اخذی

اقتضا ایدن مصارفک هر حالده کلیان طرفندن
استیفائی لازمکولر ایکن محکمه جه بوجهت
قانونیه دن ذهول ایله معترض علیه اولان خزیننه
وکیلندن تحصیلنه حکم اولنمی مخالف قانون
اولدینی کی اعلام وجاهی مصارفک دخی بالذات
معترض علیه وکیلنه تحمیل اولنسنده کی اسباب
قانونیه نک اعلام بمنزله به درج و تمیق قلنامی
یولسز و اصول وقانونه مغایر اولوب ومستدعی
وکیلنک بوجهته متدائر اولان اعتراضی شایان
قبول کورنمش اولدیغندن اصول محاکمه حقوقیه
قانوننک ایکوز اوتوز ایکنجی ماده سی موجبجه
اعلام مذکورک مصارفه عائد اولان جهت حکمیه
سنک نقضیه قانون مزبورک ایکوز قرق بشنجی
ماده سنک ایکنجی فقره سی حکمیه توفیقاً جهت
مذکوره نک اعلامه ربطی ضمننده محکمه
مذکوره به اعاده سنه وزیرده مفرداتی مرقم
اوچوز سکسان دزت بجق غروش مصارف
تمیزیه نک ایلروده حقسز حقیقه جق طرفه رجوع
ایتمک اوزره اول امرده خزیننه مشار الیهادن
السنه ۳۰ کانون اول سنه ۳۰۹ تاریخنده
اکثریت ارا ایله قرار ویریلرک تفهیم قلندی .

حلب استیفاف محکمه سندن ۲۸ شباط
سنه ۳۰۹ تاریخی ویکرمی بر عددی ایل ویریلان
اعلامک تمیزی استدا ایدن حلبک خان السیل
محله سنده مقیم حاجی صالح افندی ایل مدعی علیه
محله مذکورده مقیم اسبق حبسخانه مدبری
مستان افندی یوم معینده دائره کلدکرنندن
باش مدعی عمومیک ماموریت علیه سنک مطالعه
نامه سی النقدن صکره اصول محاکمه حقوقیه
قانونک ایکوز یکرمی طقوزنجی ماده سی
موجبجه تدقیقات تمیزیه اجراسنه ابتدار
اولندی .

اعلام مذکور خلاصه مالی مومی الیه
حسنستان افندی مزبور صالح افدینک کندو
سنه محکوم به دینی اولان مبالغ معلومه نک تأمین
تادیه سی ضمننده بر باب خانه ده اولان حصه سی
مدت معینه ظرفنده مبالغ مذکور تأدی اولمقی
واولمقی تقدیرده بیع واقع قطعی اولمق شرطیه
بیع وترهین ایدوب اولیاده تنظیم قلنان مبیعه
سندی موجبجه دین مذکور محسوب مزبور
صالح افدینک اون عدد عثمانلی لیراسیله طقوز
شیک حنطه و اوج عدد سیم مجیدی تسلیاتی دخی
وقوعبولش ایسه ده متبانی مطلوباتی ویرمامکده

حصه سنه مقصور بولنش اولدینی حالده استیفاف
محکمه سنجه فضله اوله رق ایکی باب خانه نک ربع
حصه سنک تسلیمنه دائر حکم اولنسی ودعوی
واقع صغیره متعلق بولنش ایکن اثنای محاکمه ده
مدعی عمومینک بولندیرلماسی وانکار اولنان
تسلیاتک اثباتنه مقتدر اولدینی حالده کندوسنک
اثباتدن عاجز کوسترلمسی مغایر قانون اولدیفندن
بجمله اعلامک نقضی استدعا سندن مدعی علیه
لایحه سنده محررتیجه جوابی اعتراضات مذکورده
نک واهی و بی اساس اولدینی بیانیله ردی و اعلامک
تصدیق طلبندن ومعاون مومی الیهک مطالعه سی
دخی دعوانک صفاره تعلقنه مبنی اثنای محاکمه ده
مدعی عمومینک مطالعه سی استماع اولمقی لزومه
دائر اعتراض درمیان اولنیور ایسه ده تمیزی
طلب اولنان اعلامده دعوانک صفاره تعلقنه دائر
بر کونا قید وصراحت اولماسنه مبنی اعتراض
مذکورک موافق قانون کوریه مدیکی بیانندن
عبارت بولنشدر .

ایجابی مذاکره اولندقدده اعلام مذکور
مآلندن منفهم اولدینی اوزره بدایه برخانه نک
بیع بالوفاسنه دائر اقامه دعوی اولنش وبر خانه
اوزرینه حکم ایدلش ایکن استیفاف محکمه سنجه

اطره نوس بدایت محکمه سندن ۲۴ مایس
سنه ۳۰۹ تاریخی و بر عددی ایل ویریلان

اعلامك تمیزنی استندا ایدن اطره نوس قضاسنه
تابع فصولر قریه لی متوفی احمد ایتمی و صیسی
فاطمه خاتون و کیلی علی رضا افندی ایله مدعی
علیه قضاء مذکورک مرکزی اولان یکیکجه ده
مقیم مهاجریندن احمد شوکت اغا یوم معینه
دائره یه کلدکری کی جواب لایحه سی دخی
ویرلدیکندن باش عمومیکل مأموریت علیه سنک
مطالعه نامه سی التقدن صکره اصول محاکمه
حقوقیه قانوننک ایکوز یکرمی طقوزنجی
ماده سی موجبجه تدقیقات تمیزیه اجراسنه
ابتدار اولندی .

اعلام مذکورک خلاصه مالی مرقوم احمد
شوکت اغا کلنا نام موقعنده کائن اولوب بکر نام
کسنه نک محلولندن اوله رق محاکم باطایر کندوسنه
احسان بیوریلان معلوم الحدود اراضیه مزبوره
فاطمه خاتون طرفندن واقع اولان مداخله نک
منعی طلب وادعا ایتمسینه قارشو عند المحاکمه
مزبوره فاطمه خاتون دخی اراضی منازع فیها
وصیسی اولدینی ایتمک مورثی وکندوسنک
زوجی احمد نام کسنه نک بکر نام کسنه دن بدل
معلوم مقابلنده تفرغاً عهدت تصرفنده اولدینی
حالده وفاتیه ورثه سی ایتم مرقومه یه انتقال

ایلدیکنی مدافعه درمیان ایلمش و دفع مذکوری
لدی التزکیه عدالتلری ثابت اولان شهودک
شهادتلری ایله ثابت اولمش ایسه ده ادعا قلنان
فراغ معامله سی اراضی مأموری حضورنده اجرا
اولمیدینی جهته فارغ مزبور بکرک وفاتیه محلول
لندن مرقوم احمد شوکت اغایه مذکور قریه
هیئت اختیاریه سنک ویردیکی علم و خبر اوزرینه
باطایر ویرلدیکی و مرور زمان ایله حق قرار
ثابت اولمیدینی جهته ورثه مرقومه طرفندن
واقع اولان مداخله نک منعه حکمدن واشبو
حکم علیه ده مستدعیه تمیز وکیلی علی رضا
افدینک لایحه سنده مندرج باشلوجه اعتراضاتی
ذی الید بینه سنک استماعنده تحدید حدود
ایتدیرلماسی و وارث ایله مورثک اراضی
امیریه ده اون سنه یی متجاوز تصرفلری استماع
دعوایه مانع اولدینی حقیقه کی مواد قانونیه
منافی اوله رق حکم وقرار ویرلمی مغایر قانون
اولدینندن اعلامک نقضی استدعاسندن و مطالعه
نامه مذکور مندرجانی دخی دعوی تحت
وصایتده بولنان صفاره عائد اولدینی حالده باجیت
شرعیه و صیلرینک جای ایله قانون دائره سنده
تشکیل طرفین ایتمامش و مدعی عمومی اثنای
محاکمه حاضر بولندیریله رق مطالعه سی استماع

چیقه حق طرفه رجوع ایتمک اوزره اول امرده
مستدعیه دن التمسینه ۱۲ مایس سنه ۳۱۰ تاریخده
متفقاً قرار ویرلدی .

ایجابی لدی المذاکره اعلام مذکور
مطالعه سندن منقهم اولدینی اوزره مستدعیه تمیز
فاطمه خاتونک وصیسی اولدینی ایتمک پدرلری
و کندوسنک زوجی متوفی احمدک بعدالتفرغ
مذکور ترلای طقوز سنه دن زیاده مدت بلا
نزاع تصرف ایدوب وفاتندن صکره دخی
ورثه سی طرفندن ایکی سنه قدر تصرف اوله رق
شوصورتله حق قرار ثابت اولمش و بو مدت
ایچنده برکونا دعوی دخی وقوع بولماش ایکن
مجرد اون سنه اولقسزین محلولتی خبر ویرلدیکی
بیانیله مرور زمان وحق قرارک دفع وابطالی
موافق اصول و قانون اولمیدینه و مطالعه نامه
مذکور مندرجانی موافق نفس الامر بولندینه
بناءً اصول محاکمه حقوقیه قانوننک ایکوز قرق
برنجی ماده سی موجبجه اعلام مذکورک تقضیه
قانون مذکورک ایکوز قرق دردنچی ماده سی
حکمنه توفیقاً کیفیتک صور محرره و جهله اعلامه
ربطی ضمنتده محکمه مرقومه یه اعاده سنه
وزیرده مفرداتی مرقم درتیوز اون طقوز بیجی
غروش مصارف محاکمه نک ایلروده حقسنز

مدلولو بدایت محکمه سندن ۲۶ تشرین اول
سنه ۳۰۹ تاریخ و قرق بر عددی ایله ویریلان
اعلامک تمیزنی استندا ایدن مدلولوده مقیم
تجاردن طودوری سو طیرخو یوم معینه دائره یه
کلیوب مدعی علیه اقلته قریه سنده ساکن میخا
بولولابلا طرفندن وکاله کلش اولان ایلا مالیاقه
افدینک ایضاحات شفاهی سی استماع قلندقدن
صکره تدقیقات تمیزیه اجراسنه ابتدار
اولندی .

اعلام مذکورک خلاصه مالی مزبور
بقال طودوری متوفی نیقوللا ورثه سنک متصرف
اولدقلری برقطعه ملک زیتونلکی درت بیک قرق
غروش بدل ایله مزبور میخا بولولابلا یه فروخت
ایتمش ایسه ده کندوسی شفیع واشترایه طالب
بولندینندن بختله مذکور زیتونلک کندوسنه
بحسب الشفعه تسلیم ایتدیرلمسینی مدلولو بدایت

محکمه سنده طلب و دعوی ایتیمسه قارشو مدعی علیه میخائیلو دخی منازع فیه زیتونلک کندو ملکته متصل و مفرز اوله رق بش بیک غروشه صاتلمش اولدیفنی بعداللیان مدعینک حق شفعه سنی اسقاط ایدر ارده طریق عام موجود اولدیفنی و مذکور طریق مرقوم دیوارله قاپوب فضولی ملکته علاوه ایتیمش اولدیفنی مدافعه درمیان و مدعی دخی طریق اصلی اولیوب کندوسنک چارملا صیق و شفیع ایدوکنی مدعی علیه ک حین اشتراده اقرار ایتدیکنی افاده ایله برقطعه سند خاقانی ابراز واعطا ایلمسی اوزرینه مجله نک التیوز طقسان سکز و بیک بدیوز طقسان اوچنجی ماده لری موجبجه طریقک موجودیتی حقه مدعی علیه طرفندن اقامه ایدیه جکی بیان اولنان تواتر بینه سنک استماعی ضمننده محله نائب اعزامیله اجرا قلنان کشف و تحقیقاتده مدعینک ملک ایله مشفوع اولان زیتونلک ارده سنده طریق موجود اولدیفنی حد تواترده استماع اولنان شهودک شهادتلیله تحقق ایتیمش و مدعینک اون سکز نفر شهودک تواتر عد ایدیه میه جکی وحد تواتر قرق کشیدن عبارت اوله جنی حقه ایدر ایتدیکنی مدافعه حقه مجله ده بر ماده مخصوصه به دسترس اولنه مامش

و شو حالده حق شفعه مانع اوله جق طریق عام موجود اولدیفنی اکلا شلمش اولدیفندن مجله نک بیک سکزنجی ماده سی موجبجه شفعه دعواسنک ردینه حکمندن واشبو حکم علیه نه مستدعینک لایحه سنده محرر خلاصه اعتراضاتی سندات رسمیه به و اقرار بالکتابیه قارشو شهود شخصی استماع ایدلمسی و تواترک نصابی قرق کشیدن عبارت بولندیفنی حالده اون سکز کشینک اخبارینه تواتر دنیلسمی مخالف قانون اولدیفندن بختله اعلامک قضی استدعا سندن و مدعی علیه وکیلک نتیجه جوابی دخی حکم واقع اصول و قانونه موافق بولندیفندن اعتراضات واقع نک ردیه اعلامک تصدیق طلبندن عبارت بولنمشدر .

کبدلمسی و تواترک یکریمی بش کشیدن دون اولماسی اصول متخذه اقتضاسندن ایکن یکریمی بش کشیدن دون اولان شاهدلره تواتر دنیلسمی مغایر قانون اولدیفندن اصول محاکمه حقوقیه قانوننک ایکوز اوتوز ایکنجی ماده سی موجبجه اعلام مذکورک نقضیه قانون مزبورک ایکوز قرق دردنجی ماده سی حکمته توفیقاً صور مشروحه دائره سنده کیفیتک بالرؤیه اعلامه ربطی ضمننده محکمه مرقومه به اعاده سنده وزیرده مفرداتی مرقم اوچبوز الی درت یحق غروش مصارف محاکمه نک ایلروده حقسز چیه جق طرفه رجوع ایتک اوزره اول امرده مستدعیدن اخذینه ۴ ایلول سنه ۳۱۱ تاریخنده متفقاً قرار اویریلهرک تفهیم قلندی .

قومانوه بدایت محکمه سندن ۴۳ مارت سنه ۳۱۰ تاریخنی و الی عددی ایله ویریلان اعلامک تمیزینی استدعا ایدن اسکوبلی اولوب موقتاً صوفیه ده ساکین استقان ولد میطوش وکیللی سلیم حسنی افندی یوم معینده دائره به

کله رک مدعی علیه قومانونه قصبه سنده مقیم قصاب میلادین کلدیکندن اصول محاکمه حقوقیه قانوننک ایکوز یکریمی طقوزنجی ماده سی موجبجه تدقیقات تمیزیه اجراسنه ابتدار اولندی .

اعلام مذکورک خلاصه مالی مرقوم استفانک اباعن جد باطابو متصرف اولدیفنی قصبه مذکورده واقع معلوم الحدود برباب خانه سنده مزبور میلادین طرفندن فضولی مداخله ایدلد یکنندن بختله مداخله واقع سنک منعیله مذکور خانه نک طرفه تسلیمینی دعوی و بر قطعه طابو سندی ابراز واعطا ایتیمسه قارشو مدعی علیه میلادین دخی منازع فیه خانه تاریخ استتدادن الی هفته مقدم جانب حکومتدن سکسان ایکی عدد ایرای عثمانی مقابلنده کندوسنه فراغ اولندیفندن مال مشتری اولدیفنی تذکار ایتیمی اوزرینه محکمه جه اولنان استعلامه طابو اداره سندن ورود ایدن جوابدن مرقوم استفانک صربستانه فرار ایله اوراده وفات ایلدیکی حکومتجه تحقق ایدرک برباب خانه سی مجلس اداره ولایت قراریه بلزایده سکز بیک ایکوز غروش بدل مقابلنده میلادینه فراغ اولندیفنی

تحقق ایلش اولسلیله جریان ایدن مذاکره نتیجه سنده منازع فیه خانه طرف حکومتدن مبلغ معلوم مقابلنده مزبور میلادینه فروخت اولندی و حکومت معرفتیه فروخت اولنان املاک اتمانک استرداد حقنده مرقوم میلادینه خصومت توجه اتمه چکی جهته مدعی مرقومک خزینه علیهنده اقامه دعویه بخیر اولسینه بناء استدعاسنک ردینه حکمدن و مستدعی وکیلنک اشبو حکم علیهنده کی اعتراضاتنک خلاصه سی دعوی واقعه عقاره متعلق اولدینی حالد ذی الیدک بالینه اثبات اولماسی و کندیسنک صربستانه فرار ایتیموب بلغارستانده بولندینی قومیسرلک جانبندن مصدق اوراق رسمیه ایله ثابت و وفاتنک ایسه اساسی اولدینی کندوسنک وجودیه متحقق ایکن بورالینه دقت اولنمق سزین استدعاسنک ردیه خزینه جلیلهیه مراجعتیه قرار ویرلسی مخالف قانون اولدیغندن بحاله اعلامک نقضی استدعاسندن و مدعی علیه میلادینک لایحه سنده مندرج نتیجه اجوبه سی دخی حکم واقع موافق قانون اولدیغندن اعتراضات مسروده نک ردیه اعلام مذکورک تصدیق طلبندن عبارت بولنمشد.

مابعدی وار

اعلان

ممالك محروسه شاهانه نك امنیت داخله سی اخلال ایتک قصدیه بعض افعال و مفاسده مجاسرت ایلدیکی اخبار اولنمندن طولانی مظنون علیه اولان اورته بویلی آجیق الین و آلا کوزلی قرال قاش و صقالی واورته اغزلی تبعه دولت علیه دن قرق یاشلرنده طاغستانی دیون عمومی قومیسر سابقنک فرار ایتمندن و حقنده اجرا اولنان تحقیقات اوزرینه هیئت اتهامیه دن جنایتله اتهامه قرار ویرلمندن ناشی اصول محاکات جزایه قانوننک اوچوز یتش برنجی ماده سی موجبیه معامله مقتضیه قانونیه و محاکمه علیه غایبیه سی بالاجرا قانون جزانک الی بشنجی ماده سنه توفیقاً اعدامه و اوتوز برنجی ماده قانونیه منطوقجه حقوق مدنی دن اسقاطیه اموالنک مجزیه محکمه جنایتدن غایباً حکم اولمش و ذکر اولنان اصول محاکات جزایه قانوننک اوچوز یتش بدنجی و اوچوز یتش سکرنجی و اوچوز سکسان برنجی ماده لرله مواد سائره سی احکامه

توفیق معامله اولنسی مرجعه بیلدیرلش اولغله اعلان کیفیت ابته دار اولندی .

فی ۳ رمضان سنه ۳۱۳
و فی ۵ شباط سنه ۳۱۱

احمد بکک در سعادت بدایت محکمه سی برنجی حقوق دائره سی اعلامیه قباغیان اوخانس اغا زوجیه سی یوکنه قادین ذمتده الهجنی اولان معلوم المقدار مبالغت تأمین اسقیفاسی ایچون مزبورده نک عهده سنده اولوب مرهون و فروختی محکوم بولنان صماتیه ده حاجی قادین محله سنده یولجی آغوب زقاغنده واقع اوتوز ایکی و مکرر اوتوز ایکی نومرولرله مرقم اوچ باب کارکیرخانه ایله تحتسده واقع بر باب دکان تمامنک تاریخ اعلاندن اعتباراً اون بش کون صکره بلزایده فروخت اولنه جنی در سعادت اعلامات نظامیه اجرا دائره سندن اعلان اولتور .

۶ شباط سنه ۳۱۱

امین اوکنده الی نومرولی مفازده ده مقیم قره باجاق یورکینک بالقی بازارنده ساکن ایکن وفات ایدن نیقوله خرسو دولو و نیقوله قسطنطی نام کسنه لر علیهلرنده ایکنجی محکمه تجارتدن ۱۸ ایلول سنه ۹۸ تاریخ و ۹۱ عددلی والتش ایکی عدد فرانسز لیراسیه التمش درت غروشک گذشته و مصارف محاکمه تحصیلی حکمنی حاوی اخذ واستحصال ایلدیکی اعلام غیابینک برقطعه صورت مصدقه سنک متوفای مرقومانک ورثه لری اولوب اقامتگاهلری مجهول بولندینی باعرض حال بیان و افاده اولسان قوچو و دیمتری و باریقو و دسینویه تبلیغی طلب واستدعا اولمش و مذکور صورتک اصول محاکات تجارت نظامنامه سنک یکرمنجی ماده سنک فقره اخیریه سی حکمنه توفیقاً تبلیغ اولمش عدد اولنقی اوزره محکمه نک دیوانخانه سنه تعلیق اولندینی کی اوراق حوادث واسطه سیله دخی اعلانی لازمه دن بولمش اولغله تاریخ اعلاندن اعتباراً اوتوز بر کون ظرفنده ورثه مرقومه نک محکمه مذکوریه مراجعتیه اثبات وجود ایتسی لازم کله چکی و ایتدکری تقدیرده صورت اعلام کندولرینه تبلیغ اولمش

مذکورہ اوزرینہ یوزدہ بش ضمیله طالب
اولئرک بک اوغلی بدایت محکمہ سی اجرا دائرہ
سنہ مراجعت ایلملری اعلان اولنور .
۱۰ شباط سنہ ۳۱۱

عبدلہ حکمنک اجرا اولنه جنی معلوملری اولتی
اوزره اعلان کیفیت قلندی .

فی ۱۷ شعبان سنہ ۳۱۳
و فی ۲۰ کانون ثانی سنہ ۳۱۱

دیمترینک بک اوغلی ^{۳۱۲}/_۵ نومروسیله مقیداعلام
موجبہجہ انسطاش صرافم ذمتندہ محکوم بہ
الاجنی اولان معلوم المقدار مبالغت تأمین استیفاسی
ضمنندہ مدیون مر قومک ایکی عدد قاریولہ
و برعدد چینی صوبہ و برعدد قونسول و بوکا
مائل اشیای یتیمہ سنک جزیلہ فروختی بک اوغلی
بدایت محکمہ سی ریاست اولیمی جانبندن اعطا
بیوریلان قرارہ توفیقاً تحت جزیہ التهرق شهر
شباطک بشنجی بازار ایرتسی کونی ساعت الی
قرارلرنده طویخنانده بات بازارنده بالمزایدہ
فروخت اولنه جنی بک اوغلی اجرا مأموریتی
جانبندن اعلان اولنور .

۲۹ کانون ثانی سنہ ۳۱۱

اونیک مصرلیانک ^{۳۱۳}/_{۱۱} نومروسیله مقیداعلام
موجبہجہ استپان حصارلیان ذمتندہ محکوم بہ الہ جنی
اولان معلوم المقدار مبالغت تأمین استیفاسی ضمنندہ
تحت جزیہ التان فری قریہ سنندہ چفته جویزلر
جاده سنندہ ۱۰۲ نومرولی عرصہ ایلہ شیشلینک
کاغذخانہ جاده سنندہ ۱۷۷ نومرولی دیگر برقطعه
عرصہ و خصو سوقاغندہ ۲۹ و ۵۴ نومرولرلہ
مرقم ایکی قطعه عرصہ دہ متصرف اولدینی
برردن درت سبع حصہ شایعہ سی لدی المزایدہ
بیک بشیوز غروش التون ایچہ بدل ایلہ طالبی
عہدہ سنندہ وینہ شیشلیدہ اسکندر اوغلی سوقا
غندہ ۲۴ و ۱۲ نومرولی ایکی قطعه عرصہ لردہ
و محل مذکورده حاجی منصور سوقاغندہ ۵۳
نومرولی برقطعه عرصہ دہ متصرف اولدینی
برردن اوج سبع حصہ شایعہ سی لدی المزایدہ
کذلک التون ایچہ بیک بشیوز غروش بدل ایلہ
طالبی عہدہ سنندہ تقرر ایتمش اولمغلہ بدلات